



UNIVERSITÄTS-  
BIBLIOTHEK  
PADERBORN

# **Disquisitionvm Magicarvm Libri Sex**

**Delrío, Martín Antonio**

**Mogvntiae, 1624**

Sectio I.

---

[urn:nbn:de:hbz:466:1-62472](https://nbn-resolving.org/urn:nbn:de:hbz:466:1-62472)

mitto quædam iam vulgaria, vt quod in Indijs sepultarum cum maritis vxorum animas mentiuntur, vt sic persuadeant has coniugi suo coniuere, quæ sponte illis commoriuntur: quod non vno loco testatur Pet. Chieza, *part. I. Hysto. Peruv.*

Vilis spectrorum generibus, quæri poterat: quo illa pacto repelli & vinciqueant; sed quia decisio communis est omnibus malis, quæ per dæmones inferuntur, ideo de hac re differendum mihi putavi, quæstione de remediis contra maleficia, *huius operis libro ultimo.* Quo pacto dæmones apparere sic queant, nunc accuratius inuestigamus, quam quæstionem indecisam reliquit D. Augustin. *Enchirid. ad Lauren. cap. 59.*

## QVÆSTIO XXVIII.

*Quomodo possit dæmon se corporeis oculis, cum sit incorporeus, visibilem præbere?*

**A** Onstat non posse corporaliter, nisi assumpto corpore. Certum enim est dictum B. Ignatij, *epist. ad Smyrnens.* incorporea videri à corporeis non posse, quia incorporeorum nec species, nec figura est, aut particula animalis vilius formam habentis, ob naturam, quam habent simplicem. Constat etiam eos corpus vel ex elementis sibi coaptare, vel subingredi & assumere cadauer de utroque modo, quæ dicenda hucusque distuli, representabo liberaliter. Dixi (corporaliter) nam phantastice possunt apparere, turbatâ phantasiâ.

## SECTIO I.

**A** Liquando igitur cadauer aliquod assumunt humanum vel ferinum,

& illud mouent ac impellunt motu non vitali, sed locali tantum, sicut ærem possunt impellere, & hoc corpus, præsertim nondum valde dissolutum, puto, si Deus permittat, posse illos ita attemperare, vt sensum tactus omnino fallant. Nec video quidquam ab homine docto ac pio, in medium allatum, quod me ab hac sententia deducat. Imprimis quod ex D. Luca *a.* proponitur dictum Domini, quo se vera corporatum, & non phantasticum spiritum esse probabat, *Palpate & videte, quia spiritus carnis & ossa non habet, sicut me videtis habere:* id ad rem non multum facit, certe non vrget. Solum enim Dominus probare voluit, posse illos cōtactu sentire & diiudicare, visu se nō decipi, corpus enim ipsum habere, verū, quia tangibile; & proinde nudū phantasma & fictitio corpore indutū nō esse. Nulla vero hic erat cogitatio, de cadauere assumpto. Hoc enim carnem & ossa habere manifestū est, quo argumēto Christus probat, se spiritū non esse: Quod illi existimabāt, quia videbāt ianuis clausis ingressū, quod corporeæ rei repugnabat, tam viuæ, quā mortuæ. Et quia, palpatione tantū poterant corpus esse, cognoscere, non vero, cuius esset corpus: ideo iubet etiam oculorum vti sensu & videre (nam proprie hic vox sumenda, vt textus indicat) *manus & pedes:* ex quorum vulneribus reliquis, certo deprehenderent ipsum illū esse, qui triduo ante fuerat crucifixus *b.* Ex quibus patet verba Domini veram certamque sententiam habere, etiam si corpus diceremus à demone assumptū, sic ab eo temperari posse, vt tactus sensum fallat. Quid, quæso? nonne dæmon longe admirabiliora efficit quotidie, quam, sint simulare carnis molliciem, ossis duritiem, teporem ac suauem calorem, qui corporis tactu

¶ c. vi. v.  
19.

¶ Sic optime Ioan. Maldoib.



percipitur, & cæteras tangendi qualitates? Dico has cum simulare posse, nõ dico veras exhibere posse, vera illa & vitalia, sunt corporis viui, & ab anima informante, procedunt: simulata, & proxime adumbrantia non requirunt animam informantem, & à substantia intellectuâli, (atenus vt externo sentienti talia appareant.) poterunt perfici: Quod adferunt de cadauere hominis recenter mortui, in eo etiam adhuc calido deprehendi, deesse qualitates illas suaui ac vitalis teporis, facilitatẽ mouendorum membrorum, & pro mollitie rigorem quendam successisse: id totum concedimus. Negamus autem, quod inde ad cadauera per malignum spiritũ assumpta argumentantur. Esto illic eadem sit corporis substantia, quæ & hic adest, esto adsint qualitates plures eadem, vt pote calor ille residuus. Tamen adhuc deest huic cadaueri non assumpto, quod simulet illa: reliqua quæ diximus. At in nostra visione, dæmon inest cadaueri, cuncta illa simulã. Minus est adfabre simulare, quam vere efficere. Quare nec illud sequeretur, non potest corpus adhuc calidum illa per se solum prestare atque efficere, ergo nequit dæmon in cadauere assumpto illa eadem tam callide & artificiosẽ simulare, vt tactũ fallat. Cur, qui sensum principem (nempe visum) potest decipere, non queat tactum, sensum maxime terrestrem, & vilissimum, minimeque spiritualem? Quod vero quidam hæc cadauera adsumpto, vt & aerea corpora formata, deprehenderint esse tactu frigida & horrida, vt illi apud Alexand. *Gemal. di. li. 2. cap. 9.* & apud Cardanum, *lib. 16. de rer. varietat. cap. 93.* & alij, de quibus postea: id inde prouenit, quia vel dæmon teporem illum non vult adumbrare, vel quia non permittitur id à Deo fa-

**A** cere: quo sensu etiam accipiendum, quod refert Caeteranus c, euidam de hoc frigore & horrore corporis querenti, dæmonem respondisse, *se non posse melius facere, videlicet, Deo obfistente, vel saltem non concedente.* Si quis exemplã requirat harum apparitionum, legere poterit apud Guilhel. Parisiẽtem, *P. vlt. de vniuerso*, aliquando assumpto bestię cadauere delussisse militem: qui cum putaret se formosa potitum virgine, inuenit se in amplexu cadaueris belluini tabe soluti, sãtid. sime iacentem. De Polycriti apparitione, & spectro filium deuorante, iam scripsimus non vno loco. Fabulã simile videtur, quod Phlegon a retulit, ille tamen oculata se fide Trallis testatur cognouisse. rem sic narrat, vt vtar compendio: *Philinnium Demoltrati hospitiẽ & Charitus filia, Machatem hospitem amare cepit, indigne id ferentibus parentibus, merore mortua, & publicẽ fuit funerata.*

**B** *Sexto post obitum mensẽ, cum eo reuertisset Machates, ingressa ad illum Philinnium hospiti se, post longa colloquia commiscuit non semel illo vesperi, quo, & cum eo cœnam sumpsit, & anulum ferreum & poculum maurarum à Machate dono accepit, ipsi vicissim anulum aureum & fasciam pectoralem dedit. Nutrix, dum pergit sedula, ne quid hospiti desit, sat agere, videt cum eo in lectulo iacentem aluminam. Latã parentibus id indicat. Illi stupentes accurrunt & altero die virumque deprehendunt, & cum ciuitatũ, dormientẽ cum hospite filiam amplectuntur. Sed torus in eos intruens Philinnium, & vos crudelẽs. (ait) in filiam parentes! ergone vos inuidisse mihi meo Machate, paterna in domo vel triduum jolidum frui! Magno vobis dolore hæc, siue curiositas, siue duritia stabit. Renouabitis dolores præteritos, & filiam iterato sepelietis. His dictis, expalluit & coniecit*

cadauer



cadaver mortuo iterum simile, seu potius (vt erat) mortuum. Concilere simul oppressi marore parens uterque. Re populus & magister ausu intell. et, iubent sepulchrum aperiri: vacuum id corpore reperiunt: Erant in eo duntaxat annulus ferreus, & scyphus auratus, dona Machabæ: sed in cubiculo & lectulo, inuentum cadaver Philinnij, & Helli cuiusdam auguris consilio, vt prodigium, eiecit extra urbis limites, aubus a feris duorandum. ipse Machabæ, à spectro videns se delusum sibi paulo post manus, ignominiam non ferens, consiuit. Hæc à Phlegonte, filius narrantur; illo Phlegonte, cuius auctoritate & Iurisconsultus Paulus b, & Origenes c, ad probandam Eclipsim, quæ Christo accidit moriente, vtuntur. In historia quoque Laodunenſis energumena. Nic. de Obry, legimus Diabolum Baltazum, assumpto suspendioſi corpore, conatum abigere, ab ea exorcistam.

Agrippæ facinus non abſimile habens infra q. 29. sect. 1. addam nunc, quæ de eadem re Caſarius Monachus Eisterbacenſis, libr. 12. Miracul. cap. 3. scribit; cuiusdam Principis Germani mortui corpus integro priusquam sepeliretur anno, demone u gestasse, & ita rexiſſe, quali illud vegetaret (ita namque intelligendum quod scribit; spiritum illud loco animæ veget. eſſe,) non enim potuit informando, nec in eſſentiam eius illabendo; sed duntaxat vt in loco exiſtens vitales eius actiones per illud imitando: vt docet multis Toſtatus, in Exod. c. 7. q. 13. cum ſeqq. Subdit Caſarius ſimilia legi in vita S. Patricij Hibernorum Apoſtoli, de quodam homine, in cuius corpore multis annis Diabolus habitans pro anima, ad nutum viri ſancti tandem exiuit corpus vero corruit, & in puluerem redactum fuit. Et, cap. 4. clericus (ſcribit) quidam adeo dulcem vocem habebat, vt audire eum

A delicia putarentur: donec religioſus quidam vir ſuperueniens monuit hominis vocem non eſſe, ſed diaboli; dæmonemque adiurauit: quo diſcedente, cadaver corruit planiſſime ſcietens.

B Denique multæ falſæ reſurrectiones gentilium huc ſunt referendæ: & conſtat cum ſagis vt plurimum induto cadauere diabolus ſiue incubum, ſiue fuccubum, rem habere; vnde & in hoc genere hominum, cadaueroſus quidam ſœtor graueolentiæ, cernitur.

## SECTIO II.



LIQVANDO ſibi, elementare corpus diabolus circumdat, idque eformatum quæ pollet industria, vnit ſibi

B non aliter; quæ motori intus exiſtenti corpus mobile & inanimū vnitur. An poſſit ex ſolo aere materiã deſumere, equidem ambigo, & puto, ſic aerem cõdenſari non poſſe ſolū, vt quid ſolidum exhibeat: ſed ſiue poſſit, ſiue non poſſit; ſolet quod facilius, partes aeri (quo maximã partē vtitur) cõmiſcere terreas, & aqueas, nubiū, vaporum, exhalationūve, vt & colores facilius hac mixtione exprimat, & facilius membra conglutinet, & condenſet; quæ ſententia Lud. Molinæ eſt, & antiquorum d; nec argumentum; quo quidam vtuntur e ad probandum ſolo ex aëris elemento corpus aſſumere, nos ſtringit; cum tantum probet, eos ab aere partem potiſſimam mutuari. Hinc alij cenſent corpus hoc tale fore nunquam, vt nequeat tactu deprehendi, verum corpus non eſſe. Sed rationes, hac ipſa quaſtione diſcuſi: Chriſti Domini dictum ſoſtendi alium habere ſenſum, quæ ipſi arbitrati. Addo, quod in libro Genetiſis legimus g de Angelis Abrahamo apparentib. quorū pedes abluti, nec deprehendi tactuſ; id ab ipſis eludi po-

B.

d vide Mo  
lin. 1. p. q.  
ſi. artic. 2.  
diſp. 2.  
e Angl. 2.  
in 2. d. 8. q.  
2. diſſic. 8.

f Luc. vi.  
v. 39.

g Gen. 19.